

פרק קח

(א) שִׁיר מְזֻמֹּר לְדָוִד: (ב) נִכּוֹן לְבִי אֱלֹהִים אֲשִׁירָה וְאֶזְמְרָה אֶף
כְּבוֹדִי: (ג) עוֹרָה הַנֶּבֶל וְכִנּוֹר אֶעֱיֶרָה שָׁחַר: (ד) אֹדֶךָ בְּעַמִּים
יְהוָה וְאֶזְמַרְךָ בְּלְאֻמִּים: (ה) כִּי גָדוֹל מֵעַל שָׁמַיִם חִסְדְּךָ וְעַד
שָׁחֲקִים אֲמַתְּךָ: (ו) רוּמָה עַל שָׁמַיִם אֱלֹהִים וְעַל כָּל הָאָרֶץ
כְּבוֹדְךָ: (ז) לְמַעַן יִחְלְצוּן יְדִידֶיךָ הוֹשִׁיעָה יְמִינְךָ וְעֲנֵנִי: (ח)
אֱלֹהִים דַּבֵּר בְּקִדְשׁוֹ אֶעֱלֶזָה אֶחְלֶקָה שְׂכָם וְעִמָּךְ סִכּוֹת אֲמַדֵּד:
(ט) לִי גִלְעָד לִי מְנַשֶּׁה וְאֶפְרַיִם מְעוֹז רֹאשִׁי יְהוּדָה מְחַקְקִי: (י)
מוֹאָב סִיר רַחֲצִי עַל אֲדָמָה אֲשֶׁלֶּיךָ נַעֲלִי עָלַי פְּלִשְׁתִּי אֲתָרוּעַע:
(יא) מִי יִבְלִנֵי עֵיר מִבְּצָר מִי נַחֲנִי עַד אֲדָמָה: (יב) הֲלֹא אֱלֹהִים
זָנַחְתָּנוּ וְלֹא תִצָּא אֱלֹהִים בְּצַבָּאתֵינוּ: (יג) הֲבֵה לָנוּ עֲזָרַת מִצָּר
וְשׂוֹא תְשׁוּעַת אָדָם: (יד) בְּאֱלֹהִים נַעֲשֶׂה חֵיל וְהוּא יְבוֹס צְרִינוּ: